



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), razmatrajući Odluku o utvrđivanju Cjenovnika usluga prikupljanja i odvoza smeća JP „Komunalno Brčko“ d. o. o. Brčko distrikt BiH, Skupština Brčko distrikta BiH, na I. nastavku 30. redovne sjednice održanom 6. juna 2018. godine, donosi

## ZAKLJUČAK

### Član 1

- (1) Obavezuje se Vlada Brčko distrikta Bosne i Hercegovine da sa Odjeljenjem za prostorno planiranje i imovinskopravne poslove, kao nosiocem pripreme za izradu prostorno-planske dokumentacije koja je u toku, utvrdi trajnu lokaciju za zbrinjavanje otpada, najduže do kraja 2018. godine.
- (2) Na osnovu konačno određene lokacije za zbrinjavanje otpada, Vlada Brčko distrikta Bosne i Hercegovine će izraditi potrebnu investiciono-tehničku dokumentaciju za tretman i zbrinjavanje otpada, a sve u skladu sa zakonima i standardima Bosne i Hercegovine i Evropske unije iz ove oblasti i preduzeti aktivnosti na sanaciji postojeće deponije kao i drugih zagađivača životne okoline.

### Član 2

Paralelno s utvrđivanjem trajne lokacije za zbrinjavanje otpada u prostorno-planskoj dokumentaciji, u Budžetu Brčko distrikta BiH obezbijediti početna sredstva za sanaciju postojeće i izgradnju nove deponije otpada kao i realizaciju drugih mjera iz ovog zaključka.

### Član 3

Ovaj zaključak stupa na snagu danom donošenja i bit će objavljen u Službenom glasniku Brčko distrikta BiH.

Broj: 01-02-398/18

Brčko, 6. 6. 2018. godine

**PREDSJEDNIK**  
**SKUPŠTINE BRČKO DISTRIKTA BiH**  
**Esed Kadrić**

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za komunalne poslove
5. Odjeljenju za prostorno planiranje i imovinskopravne poslove
6. Direkciji za finansije
7. JP „Komunalno Brčko“ Brčko distrikt BiH
8. Sektoru za koordinaciju politika i opće poslove – Odsjeku za opće poslove
9. Arhivi